


# KA TUMELO, MUSHE

 Ni itumezi, Muzwale Neville. Mu zuhile, balikani. Ki hande kuba mo kacenu mwa tabernakele. Mi Ne ni hupula kuli mwendi Ne ni ka tabela kuli Muzwale Neville akutaze kakusasana cwana, Na ne ni ka lika ya busihu bwa kacenu. Mi hape Ne ni sweli kutalima kwa tuto ya la Sunda kakusasana wa kacenu. Mi ki sika sa . . . Haiba Mulena alata, luka lika ku—ku ba ni tuto ya la sikolo sa la Sunda.

<sup>2</sup> Cwale, seli lisunda zepeli cwale, ka, kuzwa fo Ni tezi kwanu. Mi ni bile ya ikalelwa hahulu sina ha mu ziba cwalo, kuli, mwa simu, Ne ni, katezi hahulu luli mi ne ni palelwa kuzwelapili ni hanyinyani. Mi Ni tile fela ku to pumula nyana. Mi Ne ni ngile mazazi amalalu kwa Wolf Creek Dam, kwani kwa Kentucky, kone Ni pepezwi. Na hupula, “Oh, Ni ikutwa fela hande cwale. Ni i ketile.”

<sup>3</sup> Mi Ni kutile kwa ndu, mi taba yapili yene ni kopani ni yona ka pata neli mukwa wa litaba za muuso ka mutelo wa masheleñi. Ne ni ile musipili kaufela kuyofita kwa tasi hape. Kacwalo Ni lemuha kuli lika tanda sunda kamba zepeli kuli ni katuluhe luli.

<sup>4</sup> Mi bulumiwa bwaka bu libelezi kuba ni cinceho cwale. Mi ha Ni na mikopano ye tomilwe. Mi lani kona libaka le Ni tezi fela kwa tuko, ka ku hupula cwalo, mi cwale ka lisunda nyana ze tatama, Ni ka ipumulela fela, pumulo yetezi, ni ku libelela ku Mulena.

<sup>5</sup> Mi buñata bwa mina mo, mina ba kale, baba bile ni luna fa nako yetelele hahulu, mwa hupula kuli sana bulezi Mulena, Ubile aezanga sa Na bulezi kaufela kuli Uka si eza.

<sup>6</sup> Muhupule, kwani kwa simuluho luli, mwa keleke mo, kakusasana hane lu tomile licwe la tabernakele, kuli mane Na . . . Ku ñozwi, mi ka kubeya licwe, kwa pampili ya kwa mulao wa Bibeke ya ka. Kakusasana wani, ona pono tuna yani, kuli, “Ye haki tabernakele ya hao.”

<sup>7</sup> Se nili, “I inezi kai, Mulena?” Mi ki Ha ni inisa mwatasa mbyumbyulu. Mi Linzwi la taha. Mi Na talima ni kubona lifapahano zetalu, inge, likota ni muselo ku zona, zeñwi cwalo. Mwa ziba mo i inezi pono. Ku se ku ñozwi kale, fa lilimo.

<sup>8</sup> Ka kupamula, buka ya kale, zazi leliñwi kwani, ni kubala litaba zeñwi za na bulezi Mulena, kwa makalelo; ne se liezahalile kale. Kuya ka buino bwa banana, mane ni ka mo ndwa i katela, ni lika zani kaufela zene tahile.

<sup>9</sup> Ki lika zepeli fela ze siyezi, mwa sipolofita tuna sani. Sani kikuli, limota libe fa mukwakwa ka muzamao wa kusina fela fa likunupo, ni ku bonahala sina lii, fela ha mu izamaishi. Ya

itamaela yona iñi. Mi hape kukaba musali yomutuna yaka zuha, kakuli America ki naha ya musali. Mi ika . . . Musali yomutuna uka taha, mi abe Mueteleli wa naha kamba sesiñwi sesi cwalo, mwa naha. Mi cwale kona ku ka taha sinyeho yetuna. Naha kaufela ika yundiswa.

<sup>10</sup> Mi, sani, Na nuha . . . Cwale yo ha ki Mulena ya bulela se. (Zeñwi, ka musali, zeo kwateni, ki Mulena.) Kono Na nuha, ka 1933, kuli lifasi lika fita fa sinyeho ya kufelelela isika ba kale ka'77.

<sup>11</sup> Kacwalo, Ne ni sa zibi kuli neba na ni sesiñwi sene si ka sinyeleza sina mo ba bezi cwale, kono Ni boni naha mwa sinyeho ye feleleza, ki bishingwa fela bya likota sina cwalo, bye bi siyezi.

<sup>12</sup> Kacwalo, limwa musipili wa zona. Mi haiba lika zeñwi ze kaufela litilo ezahala kuya fela ka Mwa na bulelezi, sani hape si kaba; mi sina fela ha Na bulezi mwa Mañolo mo, sa Na bulezi. Haiba Krete natile lwa pili, Uka taha lwa bubeli. Mi lika kaufela za Na bulezi lika ezahala. Mi ka kubona se kakutala, ni kuziba kuli lu . . . nombolo ya luna i sutelezi kuli ibiziwe, kakuba naha, ka kuziba kuli Keleke i sutelezi kuba mwa Kuungelwa kwa Yona. Li zamaisa pilu ya mukutazi, kamba yomuñwi wa ba keleke, ka kuziba kuli lu mwa lizazi le ni nako ye lupila ku yona. Seli nako yetuna kuli mutu kaufela yakile apila mwa lifasi, ka nako ye; fo kiyuni, kwa Keleke. Kacwalo, Ni lakaza litapelo za mina luli.

<sup>13</sup> Mi Ni boni mwa tabernakele ye, mi Ni boni kuli bana ni . . . neba lukela kuba ni liketisa zeñwi ni litaba kaufela, mwa keleke, ku babañwi ba katengo ni zeñwi cwalo.

<sup>14</sup> Mi—mi keleke ne itokwa mukopano o likani nyana, ki kangisano nyana. Mi kamita mubile ni sishemo hahulu kuna, ni ku ni fuyola. Mi bukaufi ni na kwanu, ni boni mbuyoti ku mina. Mi Na ziba ka, kuba ni mina, ibile mbuyoti kuna. Mi kamita mubile mu amuhela se Ni bulelanga kuba sa Niti, sina ha Ni libona kuya ka Mulimu. Mi Na—Na itumela ka sani.

<sup>15</sup> Kacwalo he, Se ni kena, mi ne Ni lukela ku batisisa, ni kubeya keleke yaka kuba hande ka swanelo, mwa tutengo twa bona, mi ni ka liketisa ni zeñwi cwalo. Mi cwale—cwale, Na hupula, kasamulaho wa seo, Ne niile kwande ku yo ba pumulo nyana Ni sika ya kale mwa simu hape.

<sup>16</sup> Mu ipulukele zona mwahala mina. Cwale, ha ki za ba kwande. Ki za tabernakele ye. Lubata mukopano ni tabernakele ye, ili kuli lika kaufela, ni mafosisa kaufela, lika kaufela zebile liezahala, mi mwendi ki maikuto nyana ku yomuñwi ni yomuñwi; bani, Ni ka nga mañi ni mañi wa bona ni ku batisa pata ni pata. Cwale haiba hamulati kulibana ni zona, ku hande mu zwe mwa naha; kakuli mutaha pata ni pata ka buino kaufela bwa zona, sina mo ne lu ezezanga kwanu kwa tabernakele. Mi kaufela kuli libe hande, kakuli lu mizwale ni likezeli baba lobile kutwano, ona Mubili wa Krete, fa tafule ya limbuyoti. Mi ha ki sesiñwi

kono ki diabulosi ya eza sesiñwi se kona ku fosahala, mi utisa maikuto, kamba musunga, kamba sika kaufela sesi cwalo. Mi Ni nga Muzwale wa luna Neville, mi luya kwa sibaka ni sibaka, ni kutisa sicaba kwa sicaba, hamoho, kufitela tabernakele ya kale haika kuta, inze itomilwe hape, ka mautu a yona, inze i zamaya hamoho kwa Mubuso wa Mulimu. Cwale, se kikuli, libaka le Ni bulelezi seo, kikuli ki sikwata sa luna se si likani kwanu kakusasana wo.

17 Mi cwale Ni ka ba ni ku pumula nyana, ni kukuta kapili mo Ni konela. Mi Ni ka kulubela kukutela mwa simu hape. Mi nako ye, haiba Mulena alata, Ni bata kunga kasheleni nyana ke lu ipumanezi kwa tu pene, ni zeñwi cwalo, kaka, kwande mwa . . . tukiso ya kwande ye. Ni kuba ni tende yenca, ni libyana zeñwi zenca, ni kukala mwa simu. Isiñi kuzwa keleke kuya keleke, kono ki kuya mwa mikopano ya luna bañi.

18 Cwale, ha ki ku sa kuteka mizwale ye ni memile, yeli nto yende. Kono buñata bwa bona kaufela, muka fumana kuli mikopano ye, bali u kaba kwa kuli, mi ni kuli balikani ba hao kaufela ba taha, mi kipeto kuba ni libunda la masheleñi. Ki ku wisa fela batu bani mwatasi. Ni kalile fela kulemuha cwalo, mwa bona. Kacwalo sani—sani hasi si ka luka. Lu bata kuba ni sibaka ko lukona ku batisa. Ha mulukeli kutisa masheleñi a mina. Mutahe fela ona cwalo, mina bañi, mi—mi mu sebeleze Mulena. Mwabona? Mi cwale he . . .

19 Mi bulumiwa bwaka bu bile ni cincho cwale. Mwa hupula ha ne Ni swalanga lizoho la mutu, ni kuyema fela fani, mi Mulena na ni bulela butata bwa mutu yoo. Ali, “Mi kipeto ku ka ezahala kuli, uka ziba likunutu za lipilu za batu.” Mutu wa mina kaufela wa ziba kuli sani ne si ezahalile hande ka kupetahala fela sina mwa Na bulelezi. Cwale wo ki muhato wa bubeli, wo polofitilwe mi ne ku bulezwi, yene kaba fa halimwa Zona kaufela, mwa bona. Mi ona fa bu sweli ku cinca.

20 Mi lani kona libaka leo Satani ha ni lwanisa ka mutelo wa masheleñi, kulika kuni bulelela kuli, ba muuso, kuli Ni na ni sikoloti sa mutelo fa pene kaufela ye Ni nani, kakuba mukutazi, kukala ka lilimo ze mashumi amabeli ni ze supa kwa mulaho, ze keni mwa bulumiwa. Ha ki cwalo, kakuli li fitile mwa keleke mo.

21 Ni musepahali wa keleke ye. Yani ki niti luli. Ku ñozwi cwalo mwa libuka kwanu. Kacwalo, he, haiba Ni musepahali mubuluki wa sikwama sa keleke ye, konakuli hakuna sika mwa lifasi . . . Muuso hauna sa kuesa ni sona. Ha ba buzi keleke. Ba ka buza na kakuba mubuluki wa sikwama sa keleke. Mi basepahali ba sainile pampili ya mwa panga ya mwa buse, kuli masheleñi aka kaufela . . . Mwa sibaka sa kuba ni mutomo wa ka fela, ne Ni li zibahalize mwa keleke ya ka mo, kakuli ona fo fela ki mutomo, nihakuba cwalo.

<sup>22</sup> Mi ka kueza cwalo, si ni tusa kwa kusa mata kusiya keleke, ni ku zwela kwande kusina sika kwanu. Kasamulaho Ni mana ku sepisa sicaba kuli Ni ka kutelanga kwa keleke, nako ni nako, ni ku ba tusa. Lani kona libaka ha Ne ni li bulukile cwalo, kakuli ne Ni file sepiso ku mina sicaba. Kona ha Ni pila ni lona ka nzila yeo, kufita kuba ni mutu. Konakuli, haiba ueza cwalo, si li kenya mwa kopano. Mi Ni lwanisa likopano katata luli. Kacwalo Ni—Ni li buluka fela ona cwalo mo li inezi, mwa mazoho a Mulimu, ili kuli lu zamaye kwapili kwa Mubuso wa Mulimu.

<sup>23</sup> Cwale, kakusasana wo, lu bata kubala Linzwi leli fuyozwi la kale le, ni kulumela.

<sup>24</sup> Cwale, Ni bata kubulela, hape...Ni bona Muzwale Egan ni babañwi, babañwi ba basepahali babali mo, kasamulaho wa kuba ni mukopano wa basepahali, busihu bo buñwi; ki niti, Na ka patalaza fapila keleke, kuli mañi ni mañi wa mina kaufela ha mu sali—ha mu sali basepahali baba supilwe. Mu basepahali baba ketilwe, mi mabizo a mina ateni mwa libuka. Ku lukile.

<sup>25</sup> Mi cwale bakaba ni liketisa zeñwi hape za—za madikoni, ni babañwi cwalo. Mi Muzwale Neville ucwalo, uka biza bao kapili kasamulaho wa sebelezo ye, ku lukile, mi ku mubuluki wa sikwama ni babañwi cwalo, halunze lu toma keleke. Lube ni zona, za makalelo kaufela, li lukile, kutuha fo lwa kona kuba ni ancafazo hainze i taha.

<sup>26</sup> Cwale, lusika apula fela makepe mo, kwa tuto yaluna ya sikolo sa la Sunda, kwa Linzwi tuna le la Mulimu yapila, halu inamiseni fela litoho za luna, linako nyana, halunze lu bulela ku Mukalisi wa Buka ye. Mi cwale lubeye kwa tuko muhupulo kaufela, lika kaufela ze shutana, ze mi buluka kwa ku sa ba ni mbuyoti.

Halu lapeleni.

<sup>27</sup> Mulimu ya kenile mi ya lukile kufitisisa, mwahala Kubateni kwa Hao ko ku fuyozwi lwa taha cwale, lu fa ku Wena bupilo bwa luna, mi ni—ni mioyo ya luna, ni mibili ya luna, ni lisebelezo za luna, ni litalenta za luna. Ni ze lu nani kaufela, lwa li tisa ku Wena. Ha U nzo lu talima, Mulena, haiba kuna ni sibi kaufela fa ngandaleza mi se si sika bakelwa, lwa Ku kupa, O Mulena Mulimu, kuli U lambe Mali a Mwana Hao, Jesu, mwa sibaka se si cwana. Kakuli, lu lemuhale kuli luna ka luna bañi ha lu ikoneli, mi haku konahali kuli lu kondise ka luna bañi. Kono lu itingile ka kutala fa Mali a Hae amande, mi muhau wa Hae kuli ube mwa buino bwa luna, ni kuli luna baezalibi baba sa swaneli lu kone kutaha ka bundume zazi leliñwi mwa Kubateni kwa Hao, kutisa fapila luna Mali a Mulena Jesu a. Ili, Wena, mwa linako za kwa mulaho, no li lemuhile kuba Mali a Mwana Hao wa libanda, mi u file sepiso, kuli, “Ka Yena, haiba lu ipulela libi za luna, luka beiwa baba lukile ka muhau wa Hae.”

28 Mi cwale lwa kupa, Mulena, kuli U lu swalele kwa mafosisa kaufela, sibi kaufela sa kufosa kamba kulibala, kuwa, kuli haiba muhupulo wa bumaswe kaufela u ziyelize moyo wa luna, ka masho a lunya lwa diabulosi, kuli Uka kasheza kwahule sila sa Hao se si maswe se, mi ni sa sicaba sa Hao.

29 Mi lu kupa kuli U lume Moya o Kenile kuli u swale Linzwi ka nako ye, halunze luipa luna bañi sina liitusiso, kuli U ka bulela ka luna, ni ku utwa ka luna, Linzwi la Hao. Mi ni luna ka kuswana lu Li amuhele inge kuli lizwa ku Wena, ni kuzwa mwa sibaka se, kacenu, lu ikutwa kuli lu ku tisizwe sinca ka bakala Kreste; kuli lu kone ku swanela hande kwa sebelezo ya busihu bwa kacenu ni kamuso, ka bakala ku pota kwa Moya o Kenile.

30 Fuyola mizwale yaluna kai ni kai, likeleke hala lifasi, bona ba basweli Linzwi la Bupilo mwa lizazi le li maswe le. Lu ikutwa kuli hakusana nako yeñata ye siyezi ya ku sebeza, kakuli busihu bwa taha ka bunolo. Malu a ndwa asweli ku bonahala hape. Bumaswe bu sutelezi bukafu, mi lwa lapela kuli Uka lu lumeleza kubeleka kufita sapili. Katulusa mibili ya luna ye katezi, Mulena, mi ulu lumele hape mwa ndwa. Kakuli lwa likupa ka Libizo la Mulena Jesu, mi ka bakala Hae lwa lapela. Amen.

31 Halunze lu kwalula, kakusasana cwana, Bibeze, mwa—mwa kauhanyo yabu 11 ya Buka ya Maheberu.

32 Labulalu busihu ne lu sweli kuambola fa kauhanyo ya bu 7 ya Buka ya Maheberu, kaza “Melekisedeke, kakuba ya sina ndate, ni ya sina mahe, asina makalelo a mazazi, kamba mafelelezo a bupilo.”

33 Mi Na hupula, mwendi, kakusasana cwana, ikaba swanelo ya kukwalula hape Buka yende ye, kakuli luna ni zibo ya makalelo ka se lu bata kubulela, mwa palo ye felile. Mi ka kutula kauhanyo yabu 10, ni kauhanyo yabu 9, zeli milao ya litabelo, luka taha mwa buino bwa “tumelo.” Mi mo mwa Buka ya Maheberu, kauhanyo yabu 11, ni kukalela fa timana yabu 23, lu I bala sina cwana:

*Ka tumelo Mushe, ha pepilwe, a patwa ki bashemi ba hae likweli zetalu, kakuli ne ba boni kuli ki mwana yomunde; mi ha ba si ka saba taelo ya mulena.*

*Ka tumelo Mushe, ha sa hulile, u hanile kubizwa mwana mukwae mwana Faro;*

*Kono aiketela ku nyanda hamoho ni sicaba sa Mulimu, kufita kuikola minyaka ya libi ye ina nako ye nyinyani;*

*A talima kuli ku shubulwa kwa Kreste ki bufumu bo bu fita maluwo a Egepita: . . . kakuli na nza talimile mupuzo.*

*Ka tumelo a zwa mwa Egepita, ha si ka saba buhali bwa mulena: kakuli na tiya, inge u bona ya sa bonwi.*

<sup>34</sup> Ni bata kunga tuto, kakusasana cwana yakuli, “kuketa ka tumelo.” Mi Ni bata kunga palo, ya manzwi amalalu a pili mwa kauhanyo yabu 23, “*Ka Tumelo, Mushe.*” Mi, “kuketa ka tumelo,” mwahala zeñata ze lueza, luna ni kuketa ka tumelo. Ni zeo kaufela lufumana za na ezize Mushe, za swanela ku li kutela, neli ka tumelo; isiñi ka meto, kono ka tumelo.

<sup>35</sup> Mi libaka le Ni ketezi se kakusasana cwana, kwa keleke yeli mwa buino bo, ki kuli mwahala zaluna za . . . nihaiba likolo zaluna, ni libaka zeñwi, lubile ni buñata hahulu bwa lituto za sayansi. Bakeñisa se, lu hohezi sicaba kwa buse bwa tumelo. Cwale, tumelo ha ipakiwi ka sayansi. Tumelo kona seo sayansi ha iboni. Mi luna . . . Haiba nji lu latehelwa ki tumelo tuna ye, konakuli lu mwa lififi le lituna, ki . . . hakuna taba kamba luba ba itutile hande cwani, mo lukona ku taluseza Linzwi la Mulimu, kuli liswana nzila ya kulumela kwa luna.

<sup>36</sup> Hakuna nzila ya kutabisa Mulimu ka yona, konji ka tumelo. Mañolo a toloka cwalo patalaza, mi ki ka tumelo. “Mi kusina tumelo,” kubulela Mañolo, “ha ku konahali kutabisa Mulimu.”

<sup>37</sup> Kacwalo, haiba nji tumelo ipalelwa ku lumelelana ni sayansi, ni sayansi i hana ku lumelelana ni tumelo, sani si libeya mwa—mwa twaniso ku yeñwi ni yeñwi, konakuli lu lukela kunga keto sina Mushe mwa na ezelize. Ka tumelo lwa lumela!

<sup>38</sup> Cwale, haiba lu latehelwa ki tumelo, konakuli haluna kuba ni tapelo ye ka alabiwa ki Mulimu. “Kakuli ya taha ku Mulimu uswanezi pili kulumela kuli Uteni, mi ki yena ya fa mupuzo ku baba Mu bata ka tundamo.” Kacwalo, haiba lu latehelwa ki tumelo, litapelo za luna litokwile mata mi ki za mbango; hakuna ko luya.

<sup>39</sup> Kacwalo kona ze lu lukela ku nahana fateni, kakusasana cwana, ki ku kumalela kwa tumelo. Kutuha foo, haiba lu latehisa tumelo, sepo ya luna kaufela ya iconga. Mi haiba lu latehelwa ki tumelo, buniti bwa luna ka moya kaufela buicongile. Kakuli, ha ukoni kuba ni tumelo mwa lika zo bona, kakuli lika zo bona kaufela za yunda.

<sup>40</sup> Haiba lu talima mutu yomuñwi yo mutuna, mukutazi yomutuna, kamba kopano yetuna, zeo kaufela lika yunda, zazi leliñwi. Mi haiba lu talima fa naha yetuna, kamba lilwaniso zetuna, zeo kaufela lika yunda, zazi leliñwi. Mi he lu swanezi kupila ka tumelo, kwa lika zeo sayansi isa koni ku talusa. Ki ka tumelo ha lu lumela.

<sup>41</sup> Cwale, lu latehelwa ki kanya ya luna haiba lu latehisa tumelo. Cwale, haiba lu ba kwahule ni tumelo, konakuli lu kenya keleke mwa sibaka sa minahano ya nama.

<sup>42</sup> Mi linako zeñata, ku se ku nahanilwe cwana, mwahala sicaba, kuli kakuli kopano neli yetuna, mi ne ba na ni likeleke zetuna, lituwa zetuna, ni sikwata tuna, sa batu baba apezi hande baba talifile, ni masheleñi amañata hahulu, kuli neba ka kona

lika ze cwalo, luna, linako zeñata, ne lu hupula kuli neli na ni susumezo, kuli keleke yakuli ye ilukela kuba ye susumelizwe. Kamba, lubile lu talusa zeo kwa bakutazi baba shutana mwa simu mi bana ni likwata zetuna za mikopano, mi lwa nahana, fokuñwi, kuli ki lisupo za susumezo. Kono yani mane ha ki niti. Yani ki susumezo ya butu.

43 Kono susumezo ya niti itaha ka kueza tato ya Mulimu. Mwabona? Kamba ki alimuñwi, kamba ki baba likani feela. Kamba ki keleke yetuna, kamba keleke yenyinyani, hakuna taba. Kamba ki yomotuna, mubuleli ya ziba hande, kamba muuna fela ya sa zibi ABC ya hae, hakuna taba. Kuitingile ka liñusa la tisa, kamba li susumelizwe ka Linzwi la Mulimu, kamba, li susumelizwe ka maikuto a susumezo ya nama?

44 Batu babañwi ba kona ku susumezwa bakeñisa mutu ya ziba kubulela hande. Sani ha sikondisi lika. Fokuñwi ba susumezwanga kakuli muuna wateni uitutile hahulu kuli wa kona ku fitisa kapili za talusa. Zani ha li talusi kuli ki za Mulimu. Mwabona?

45 Ki ka Linzwi fela la kuyakuile la Mulimu, leli fuyozwi la Kamita, halu kona kuamuhela susumezo, mi ifiwe ka Moya o Kenile. Ka tumelo lwa li amuhela.

46 Cwale lu ka nahana ka Mushe, ni nako yetuna ya bupilo bwa hae ye. Mi lu balile kale, za kupepwa kwa hae, kamo Mulimu na mu bukelelize, kono ne kutile nako mwa bupilo bwa Mushe hane ku na ni nako wa kuketa. Haiba lu bala ka swanelo, lu fumana kuli nali mwana wa mushimani ya pepilwe ku mwana musizana wa Faro, mi na lukela kuyola lubona, mi na kaba yena faro ya tatama mwa Egepita. Kacwalo na nza lemuha hana sweli kutalima kafa ni kafa, kasamulaho amana kuba ya hulile mi yakona ku ikalabela, mi nekuna ni batanga bene ba sebeza mwa misima ya sileze. Mi Mushe, hana nza talimanga mwa mahaulo a muleneñi, kutalima batanga baba swana bao Faro na talimanga, kono ne kuna ni shutano mwa mutalimelo.

47 Ni bata kunwelisa muhupulo wo, kakusasana cwana, mwa mizuzu yelikani, mi cwale Mulimu wa Lihalimu a li kenye hande mwa pilu kaufela yeliteni mo. Ki ka mukwa o mutalima fa si ka kaufela, kona se si panga shutano.

48 Mubuleli yo mutuna, John Sprawl, yana tahile ka bulumiwa bwa Muzwale Bosworth, ili yoo buñata bwa mina muziba hande mwa lilimo za kwa mulaho, wa kwa Old Glory Barn. Na ize, zazi leliñwi na li fa musipili, asika timela kale mulikana hae ya latwa yena musala hae. Neba li kwa La Salle, Lorraine, France. Mi Ne ni na ni tohonolo ya kupotela sibaka se si swana. Mi muzamaisi na nza ba fitisa mwa masimu, ni ku ba bonisa lika ze shutana. Mi ba taha kwa bukaufi ni siswaniso sa Mulena Jesu, sa sifapahano. Mi Bo Sprawl ne ba yemi fahule nyana, banze ba si talima, yena ni musala hae, mi, mwa lipilu za bona, neba sweli

ku nyaziseza sa na nani sona muswanisi mwa munahano, kamba mubeti, nitaluse, fani hana sweli ku cakula mwa licwe, nto yene bonahala kusabisa cwalo kuli italuse ku nyanda lilato ni makeke a Mulena Jesu, ni ka mo ne si betezwi ni ku cakulwa ka buhali. Mi muzamaisi ataha ku Bo Sprawl, mi ki hali, “Mushemi, Ni sepa kuli wa nyaziseza siswaniso sa Mulena Jesu se.”

Mi ki hali, “Na nyaziseza.”

<sup>49</sup> Mi ki hali, “Ha ni komoka ni hanyinyani, kakuli buñata bwa batu baba si talimanga, pili, ba si nyazisezanga.”

<sup>50</sup> Mi Bo Sprawl bali, “Kiñi, Na ha ni boni makeke ni amanyinyani kaufela kamba susumezo ka kutalima fa sika se si cwalo, kacwalo Ni komoka kuli mubeti kiñi ha na si cakuzi ka mufuta o cwana.”

<sup>51</sup> “Mi mubeti . . .” Ali, “Bo Sprawl, siswaniso se si lukile, mi muswanisi yana beta nana ni taba ye lukile mwa munahano wa hae. Kono fo kuna ni butata, ki ku wena. Ki mukwa o talima ku sona.” Mi a swala yena ni musala hae kwa lizoho, mi a yo ba beya kwa lisina la sifapahano sesi bulelwa se. Mi ki hali, “Cwale, Bo Sprawl, a mu talime mwa halimu cwale.” Mi hana talimile mwa halimu, uli pilu ya hae ne i bata ku kumuha. Ha ki shutano ni yeo, ka kuyema fani ni ku si talima ka nzila *yani*, ni kuya mwatasi ku si talima ka nzila yene si pangilwe kuli si talimiwange.

<sup>52</sup> Mi cwalo kona mwa i inezi Mulimu. Cwalo kona mo i inezi tumelo. Ki ka mukwa o mu si talima. Haiba ne mu ka si talima ka buino bwa Bibeles ya kale, wa sesiñwi sene sili mwa mazazi a kwa mulaho afelile, hamukoni ku ba ni butokwa bwa luli bwa Bibeles. Mu lukela kuwa ka mañwele a mina, ni ku utwela litaelo za Bibeles ye, ni ku Si talima ka meto a Moya o Kenile.

<sup>53</sup> Ni buze nyangela ye, kakusasana cwana. Ki bunde mañi bo Mulimu wa kale aka lueza kacenu haiba Ha ki Mulimu ya swana? Kana ki bunde mañi bo Mulimu, yana kona kunga Mushe ni kueza limakazo ni yena za na ezize, kana ki bunde mañi bo li ka lutusa ka kubala ka za Mulimu haiba Ha ki Yena ya swana kacenu? Ki bunde mañi bwa Mulimu yakona ku lamulela kwa mulilo wa liyekuyeku leli sabisa, bana ba si Heberu, haiba Ha ki Mulimu ya swana kacenu? Ki bunde mañi bwa Mulimu yakona kuatula mwahala bunde ni bumaswe, mwa lizazi lelifitile, mi afa koto baba maswe ni ku fuyola baba lukile, haiba nji Ha ki Mulimu ya swana kacenu? Ki sikamañi se lu yelanga kwa keleke? Ki kabakalañi halu ikambusa kwa lika za lifasi, haiba nji Ha ki Mulimu ya swana wa katulo yeswana, ni munahano o swana Wa kile abanga ni ona kamita? Ki bunde mañi bo bukaba bwa Mulimu yana konile kuswala lizoho la musali ni libelenge leli sabisa, mi libelenge la tuhela, haiba nji Ha ki Mulimu ya swana? Ki bunde mañi bo bukaba teni ku sebeleza Mulimu yana pilisize mulikana Hae kuzwa mwa libita, kasamulaho wa kushwa mazazi amane, haiba Ha ki Mulimu ya swana kacenu?



54 Ka tumelo lu lumela kuli zazi leliñwi la kanya Uka lu biza kuzwa mwa lifasi, ni ha lukaba lushwana lwa mufuse. Kana lu nyakisisa cwani? Halu li nyakisisi. Lwa li lumela. Halu sika kupiwa kuli lu nyakisisa sika. Lu kupilwe ku li lumela.

55 Ka tumelo Mushe na ezize sa *kuli-ni-kuli*. Mi sina Mushe, kakuba mucaha anosi, atalima mwa lihaululo, kwa batanga, abona sikwata sesiswana sa matakala, masila, batanga baba sina tuso bana bona Faro.

56 Mi cwale Faro hana ba talimile, Maegepita, ne ba si nto isili kwanda kuba sikwata sa batanga. Zani kona zene ba swanela fela; ka kuba fela baba kata mubu, kuli baeze masitina a sileze a bunde bwa minzi yena yaha Faro. Bani neli Maegepita mi Faro a talima batanga.

57 Kono Mushe, hana ba talima, neli mubonelo o shutana wa na nani ona Mushe. Fani hana boni, inza fita fa lihaululo, misima yemituna fa pila bona, mioko inze ibuba fa malama a bona, ni mibili ya bona ye obami, aba talima kuli neli sicaba sa Mulimu. Na si ka ba talima kuli ki batanga. Na ba talimile kuli ki sicaba sa Mulimu se si ketilwe.

58 Mi, oh, sina ha Ni nze ni yanga, kuzwa naha kuya naha, ni kuzwa lifasi le kuya lifasi lani, ninze ni kutaza! Kuzwa nako yene Ni siile minyako ya tabernakele yenyinyani ye, ki kopano ya likeleke zeñata, yesina mulao kwanda lilato, hakuna buka kwanda Bibebe, mi hakuna tuto kwanda Krete, Ni likile kotalima fa bana ba Mulimu, ni baba hanilwe, kakuba sicaba sa Mulimu se si supilwe ni kuketiwa. Ha ni ba buzangi haiba ki ba Tabernekele ya Branham. Hani ba buzangi haiba ki ma Methodist, kamba ba Presbyterian, kamba haiba ki Mapentekota, kamba ma Nazareni, kamba Pilgrim Holiness. Ni bata fela kuba talima kakuba sicaba sa Mulimu. Mi kubona misebezi ya bona ni likezo za bona, kuli ki batanga ba Mulena Mulimu. Mi pilu yaka i lakaza kutwano ni bona, hakuna taba kamba bana ni sitopa mañi. Ni lakaza fela kutwano ya bona. Na ba lata kakuli Ni ziba kuli ki sicaba sa Mulimu.

59 Ha Ni bona musali ya taha mwa mukwakwa, ni sikoci se si telele, ni milili ya hae ikamunezwi hande kwa mulaho, mi—mi ni ndelezi ye bonahala likute cwalo; mi Ni bona musizana nyana yomuñwi, mwendi wa siyemo se si swana, mwa kaputula cwalo; wa kona kuba, ka mubonahalelo, yomunde habeli mwendi kufita ni musali wa milili ye mitelele, kuya ka mutalimelo wa lifasi, kono Ni ka wela kwa neku la musizana ya apezi sina Mukreste. Ni ha be baka mu seha, ni ku mu biza kuli u sialezi, niteni, Ni ka lwala siemba sa ka. Hakulata hakoni kuba yomunde sina musizana yomuñwi, ka sibupeho, kono wa bona taba yeñwi. Ka tumelo wa Mu bona yena Ya sa bonahali, Ya nza zamaisa bupilo bwa hae.

<sup>60</sup> Hani bona mutu fa musebezi, yabizwa kuli “dikoni,” kamba “mukutazi,” kamba “ya sialezi,” kakuli wa hana ku zuba, ni kunwa bucwala, ni kuya kwa kubina, sina babañwi ba kubona, mi ubizwa “ya sialezi,” pilu yaka yaya ku yena. Yani ki muzwale waka, kwani mwa mubu wo wa Egepita, sani si panga lipilu zaluna ku lakaza ku mu amuhela ni kubulela kuli, “Muzwale, lu bazamai mi lu baeñi, ba naha ye, mi Ni lakaza ku ikambota ni wena.”

Mushe nana ni kupanga buiketelo, kuketa ka tumelo.

<sup>61</sup> Ki babakai ba micaha bene ba ka tula kolo ya kuba mwana mukwae wa Faro! Ki babakai micaha bene ba ka tula mwa kolo yana nani Mushe, ku yo ikola minyaka kaufela ya mielembo ya lifasi, kuli abe mulena wa Egepita, kuba ni lifasi kaufela kwa mautu a hae! “Ki taba ye bukuba cwani,” kuli micaha ba lizazi le balukela ku nahana cwana, “fani Mushe hana ketile kunga keto ya hae hala sicaba se si nyandile ni ku kendiwa sa Mulimu.”

<sup>62</sup> Ki kabakalañi hana ezize cwalo? Ka tumelo, hana inuzi meto a hae, atalima kufitelela minyaka ya lifasi le. Na talimile kwa buse bwa minyaka ya sibi. Mi Bibeke ibulezi kuli aitiisa sina ya na bona Yena Ya sa bonwi, ka tumelo, mi apanga buiketelo bwa ku sebeleza Mulimu hakuna taba kamba ne ku ka ezahala sikamañi.

<sup>63</sup> Ha li si ka cinca kale. Buñata bwa luna lwa kona kuya ku se lukona kubiza kuli muyaho o munde. Lwa kona kuikola, mwendi, sebelezo ni munyaka wa kuina mwa lipula zende. Lwa kona kuba baba zibahala hahulu, kwa kunwa ni kuzuba, ni ku apala ni kueza sina lifasi. Kono ki butata mañi? U inuzi meto a hao, mi ka tumelo wa Mu bona Yena ya sa bonwi, mi ungile mayemo hamoho ni baba kendilwe ni baba bizwa kuli bapikuluhi baba kenile ba lizazi la kacenu. Kakuli ka tumelo lwa Mu bona Yena ya sa bonwi, kuiketela ku nyanda mwa ku shubulwa ni ku zieleha.

<sup>64</sup> Hanikoni ku bulelela batu kuli baiketele ku nyanda. Hani buleli kuli mulukela kuketa ku nyanda. Haikoni kuba taba yende kuli mutu aeze. Kono haiba manyando ainzi mwa nzila ya musebezi, konakuli halu ikungeleni ona hanza taha. Hani tokwi kuli muezeze mutu sika kuli afumanele lisheha ka mina. Hani tabeli kuli mubulele lika ze shutana, kuli, “Na ni mu. . . Ni wa keleke ye sa lumeli za *kuli-ni-kuli*, mwa lifasi,” ni lika ze cwalo, kunga fela sicaba kuli si be ni lisheha ka mina. U itiseleza lika zani fahalimwa hao. Hani buleli kuli muzwele kwande mi mu yo eza lika ze si ka konda. Hani tabeli kuli mueze cwalo, kuli yomuñwi abulele kuli mwa lyangana. Mu ka itiseleza zeo fahalimwa mina bañi. Kono haiba ki ze li mwa nzila ya musebezi wa mina ku Mulimu, mutuhele lifasi libulele se libata ku bulela. Mina muzwelepili kupila.

Mube ni buiketelo. Muuna kaufela ni musali uswanezi kueza cwalo.

65 Kucwani kabe Faro na boni sana boni Mushe? Na boni manyando a sicaba. Na ziba tifo yene lukela ku lifiwa. Kono ka tumelo a keta sani, kufita kuba ni minyaka ya sibi.

66 Kuna ni basizana babanyinyani, babañata babali mo, kakuba likalibe ze tabela minyaka. Lifasi li ka tabela kubulela ku mina kuli, “Eza *cwana-ni-cwana*. U yo munde. Mubili wa hao u bupehile ha munati. Ulukela ku bonisa sani.”

67 Kono, kezela ka, inula meto a hao mi utalime kufitelela fani, ku Yena ya na bulezi kuli, “Ki maswabisa kuli musali aapale siapalo se si lukela muuna.”

68 Haiba nji sicaba sa batu mwa silalo sa henu, haiba nji basali be u itwaeza ni bona, baize, “Kuta milili yemitelele yeo. Ku ka batelwa. Kukaba *se, sani*, kamba se *siñwi*.” Kamba, “Uka ba hande.” Usike wa teezeza ku sani!

69 U nanule meto a hao, mi ka tumelo u bone Ya na bulezi kuli, “Milili ya musali ki kanya ya hae, mi asike a ikuta.”

70 Ha ba kali, “Uka bu baana hahulu. Uka yema hande mwa musebezi wa hao, kamba ni malena hao kwa musebezi, hane uka i nwela fela nyana. Kambe ne u ka zuba kwai sina basali babañwi, no ka yema hande mwa kutwano ni bo yahile ni bona.”

71 Ka tumelo inula meto a hao mi utalime ku Yana bulezi ha Naize, “Silafaza mubili wo, mi Ni ka usinya.” Ka tumelo lwa lumela lika zani. Haki sika so bona. Ki sika so lumela. Ka tumelo, Mushe na ezize.

72 Mi ni mwa muzamao wa tumelo wo, kutaha nako fo kulukela kuba ni keto.

73 Lota na ezize mafosisa a maswabi e lu ezanga ni luna. Linako zeñata lu ketanga za bunde bwa luna. Lu ketanga lika ze kaba zende.

74 Fokuñwi haiba kuna ni kusa utwana nyana ko kutile mwa keleke, mi yomuñwi ukali, “Kihande, bo dikoni kamba bo mulisana ba yemezi neku le.” Usike wa talima ku sani. Talima ku se si lukile. Zusa taba yeo mi uba tise sibeli sa bona hamoho. Cwalo kona bumulimu.

75 Kuna ni kuketa. Mi lwa iketela luna bañi. Lu ketanga sika sesinde kwa bunde bwa luna.

76 Kono Mushe na ketile manyando ni maswabi, kuli akone ku zamaya ni sicaba sa Mulimu. Mu nahane fateni cwale. Mu teezeze ku seo. “Kuketa manyando a sicaba sa Mulimu, mi atalima kuli neli mupuzo omutuna, kakuli na tiya, inza bona Yena Ya sa bonwi.”

Cwale, Lota, nako yeñwi, nana ni kupanga buiketelo.

<sup>77</sup> Mi mwendi kwa kona kuba, kakusasana cwana, kuli kukaba baana ni basali babainzi mo, baba ka ba ni kuketa kwa mina kwa mafelelezo. Kacenu mu seo muli sona, kakuli lilimo zefelile zeñwi ne mu ketile kuba se muli sona cwale. Mi se muketa cwale si ka itinga ku se mukaba sona lilimo ze ketalizoho kuzwa kacenu. Lilimo ze ketalizoho kuzwa kacenu wa kona kuba mubuleli. Lilimo ze ketalizoho kuzwa kacenu wa kona kuba Mukreste ya zibahala hande.

<sup>78</sup> Kamba, lilimo ze ketalizoho kuzwa kacenu wa kona kuba mwa lihele, kakuli no pangile buiketelo bo bu fosahalile. Lilimo ze ketalizoho kuzwa kacenu wa kona ku kolopanga sihotolwa mwa manwelo a bucwala. Lilimo ze ketalizoho kuzwa kacenu wa kona kuba lihule fa mukwakwa.

<sup>79</sup> Kamba, wa kona kuba muuna kamba musali ya—ya kutekeha kwa libaka kaufela, bakeñisa keto ya hao ku Kreste. Lilimo ze ketalizoho kuzwa kacenu wa kona kuba mwa Kanya, kuya mwa Kuungelwa, kakuli upangile buiketelo bwa hao kacenu.

<sup>80</sup> Kono ulukela kuketa. Mi usike wa talimela ku zo bona. Keta so bona ka tumelo. Sani kona sika fela se si na ni butokwa, ki so keta ka tumelo.

<sup>81</sup> Lota, hana lukela kuba ni kuketa. Abrahamana na afile Lota keto ya hae.

<sup>82</sup> Mi ni Mulimu wa mifa keto ya mina. “Amuiketele kacenu ye mu ka sebeleza.” Mwa simu ya Edeni ne ku na ni kota ya—ya zibo, ni Kota ya Bupilo. Mutu na filwe tohonolo ya kuketa kota yanaabela. Mi kona mo ku sa inezi ni kacenu. U filwe tukuluho ya hao, kakuba ya kuketa kusina kapelezo, kuketa sika kaufela soabela kuketa.

<sup>83</sup> Kelezo ya ka ku mina, kikuli, musike mwa talima fa lika ze bonahala bunca ze mi potolohile, ni kabubo ni likute le mukona kuba ni lona. Kono mukete, kanti, ka tumelo, Yena yana file sepiso zazi leliñwi Uka taha ku to felisa mafosisa kamukana, mi uka mifa Bupilo Bobusafeli, ni ku mi zusa. Hakuna taba kamba ne muzamaya musipili ni sikwata nyana sa Mulena se si kendilwe, mupange buiketelo boo. Haiba kuna ni butata fa kaufi, haiba kuna ni butata mwa naha, haiba kuna ni butata mwa keleke, haiba kuna ni butata mwa lapa, hakuna taba kamba bukai, mupange buiketelo bwa mina, “Ka tumelo, Ni ka sebeleza Mulimu. Ni ka kokobeza pilu ya ka fa Pila Hae. Ni ka zamaya musipili ni bana ba Mulimu. Ni babona banze ba ketululwa ni ku kendiwa, mi ba kaniwa ni ku sehiwa, kono niteñi Ni ka nga sibaka saka sa musebezi. Ni ka pila bukau fi ni sona. Mi haba ka lila, Ni ka lila ni bona. Mi hakuna ni maswabi, Ni ka swaba ni bona. Mo ba pilela, Ni ka pila.”

<sup>84</sup> Sina Naomi ha naize. . . Kamba, Ruti naize ku Naomi, “Linzila za hao likaba linzila za ka. Linzila za ka likaba linzila

za hao. Ko kayo pila, Ni ka pila. Ko uka ya, Ni ka ya. Yena Mulimu yo ka sebeleza ukaba Mulimu waka.” Munge keto yeo, kamba ika buha litalo la lizwalo la mina, ka ku nahana kuli mu sesiñwi. Buha litalo la hao lizwe mi u zamaye musipili ni baba nyinyani baba kendilwe ba Mulena, mi upile ka likute mwa simu ya musebezi ni sibaka sa musebezi.

<sup>85</sup> Lota atalima kafa ni kafa. Mi ali, “Ni na ni buiketelo.” Mi atalima kwa neku la Sodoma. Abona masimu a mafulisezo amande kufita sa na boni Abrahamama, ni kwa na inzi Abrahamama. Na boni sibaka sa kufulela likomu za hae, kuli abe ni likomu zekima mi zende.

<sup>86</sup> Na sepa ha Ni holofazi maikuto a mutu. Kono sani kona sesibile siyemo sa bakutazi babañata, sa kukeshibisa ni Evangeli, ka ku nahana kuli ba ipumanela masheleñi amañata ka zona. [Muzwale Branham ukambela mazoho a hae halalu—Mu.] Tikiti ya sico! Ne ni ka itakaleza kupila mwa naha ye sabeji lico, ni ce, ni kunwa mwa mitai, ni kuca mañende a mukele, kufita ku keshebiswa ka ku ikolwiswa kwa tumelo yaka mwa Linzwi la Mulimu ya pila. Ni ka nga nzila yaka.

<sup>87</sup> Babañwi ba kubona ne ba ize, “Billy, ki butata mañi bo buli mwa mukopano wa hao, kakuli kuna ni Mapentekota babañata hahulu ku ona.” Ki mukutazi yomutuna wa kopano ki yena yana bulezi cwalo.

Se nili, “Kana kopano ya hao ika tusa mukopano waka nji?”

<sup>88</sup> Ha ki kale hahulu, mwa mutende waba *Look*, Na sepa, nekuna ni kalulo yeñwi. Mi muñoli na ñozi mwani kuli, ka kuambola fa sicaba sa Pentekota. Na ize, “Keleke ya Pentekota kona keleke ye hula kapili luli mwa lifasi kacenu.” Kiñi? Kakuli baana ni basali ba inuzi meto abona ni kutalima kwahule nyana.

<sup>89</sup> Mi ni muñoli ni yena na lumbile sicaba sa Mapentekota. Oh, ka niti, na ize, “Ne kuna ni babañwi ba bona bene ba pahami, ni zeñwi cwalo. Kono, ba Methodist ba lapela lituto za litumelo. Ba lapela Mulimu ka lituto za litumelo. Ba Baptist ba eza lika zeswana, ni ba Presbyterians. Kono Mapentekota ba lapela ka Bibe.”

<sup>90</sup> Ka tumelo lwa bona sepiso. Ni ka nga siemba ni bona, hakuna taba kamba ba kendilwe cwani, Ni sali alimuñwi wa bona. Ni ha ba boniwa bukuba, mi bana ni matata ni miliko ya bona, sina Isilaele mo ne ibezi, Hanina ku tabela kuyema mupolofita wa buhata kwa buse bwa lilundu, kuba Balami, ni kulika kukuta seo Mulimu afuyozi. Kakuli, mwa sibaka sani kuna ni Licwe leli natilwe, mi Sitabelo sa mali, ni Siita sa Mulilo. Hakuna taba kamba ba inzi ku ze cwani, za ba isa kwa kanya, mi bana ni kutaha ku zona, kakuli ki sicaba se si sepisizwe se si zamaya ka tumelo. Ni ha ba sa bi kopano, nebali bayambaeli mwa naha, mi cwalo kona mo ba inezi batu ba Mulimu. Kono Ni bata kunga nzila ni bona, ni kopane ni bona mwa likalulo

za bona; isiñi mwa kopano ya bona, kono mwa puteho ya bona kupotoloha Moya wa Mulimu wa Kuyakuile, ili foo, ka tumelo Ni amuhezi kolobezo ya Moya o Kenile. Mulimu nituse kuli kamita ni bange ni mubonelo wani.

<sup>91</sup> Mulemuhe. Hane banze baya, lufumana kuli Lota na fumani kolo ya—ya likomu zekima. Babañata ba bonanga kolo ya kuba ni buka yetaza pokoto. Babañata ba bonanga kolo ya mayemo amande. Na boni bunolo bwa kufumana ma dollar amañwi fa halimu. Na boni butokwa bwa kolo ya kuba muyemeli wa muleneñi. Kakuba mueñi, mi ni muuna ya talifile cwalo, ka mwa na inezi, “Mwendi Ni kaba muuna muhulu ya sabiwa mwa muleneñi.” Na boni butokwa bwa kolo kakuli nelili fa pila hae. Kono na si ka bona mulilo ono lukela kusinya naha. Na si ka itetulula ili yena, kuli naha ne itezi sibi, ni Mulimu nana ni ku isinya.

<sup>92</sup> Mi, kacenu, batu balika kuitetulula ilibona ka kubulela kuli, “Ki kuli . . . ?”

Ni kali, “Kikuli u Mukreste?”

<sup>93</sup> Ba li, “Ni mu American.” Sani hasina sa kueza ni sona kuswana sina ku bulelela liñwalala kuli ki simbotwe. Hasina sa kueza ni sona. [Muzwale Branham mazoho a hae hañwi—Mu.]

<sup>94</sup> Uka sinyiwa, kakuli Mulimu wa sepahala. Mi haiba nji America ikaya ni libi za yona, ya lukile mi ya pahami, yena Mulimu ya kenile uka swanela kuli a—a zuse ba Sodoma ni Gomora mi ainyaze ku bona ka ku bacisa, kabakala libi za bona; haiba A lu tuhelela kuli luye cwalo ni zona.

<sup>95</sup> Haiba Uka mi tuhela kuli muye kwa Lihalimu ni misebezi ya mina ye si ka luka, Uka swanela ku zusa bo Ananiasi ni Safira mi abafe nako yeñwi hape. Kaniti uka eza ona cwalo. Kono ki Ya sepahala. Ananiasi na boni masheleñi a hae. Pitrosi na boni Kreste.

<sup>96</sup> Oh, mawi! Lota na si ka bona sinyeho ya bana ba hae mwa sibaka sani.

<sup>97</sup> Buñata bwa mina, kacenu, mu swalelezi kwa lituto za litumelo ze li lika zeñwi, ha mu boni mutakafululele wa banana ni sinyeho ya bana ba mina. Ha mu boni mwana mina wa musizana mwa ndu ya lihule. Ha mu boni mwana mina wa mucaha sina cakolwa, kamba kwa tafule ya makadi kokuñwi.

<sup>98</sup> “Kakuli yena u na ni mezi hande.” Mi sibi ha si sika swaliwa. Na si ka bona musala hae, yena toho ya tutengo kaufela, afetuha kakuba musumo wa lizwai, hana talima. Na si ka mubona a banduka fela kwa buhali bwa meeno a hae, kwa munzi omuñwi kokuñwi, ka bupilo bwa hae. Na si ka bona sani, kakuli na talimile fela ku sa na bona fapila hae.

<sup>99</sup> Kono, Abrahamama, na si ka lemuha naha ye nani mezi hande, kakuli na inuzi meto a hae ni kubona za kamuso, kakuli na ka

yola lika kaufela. Mukreste wa niti kacenu uinula meto a hae ni kubona sepiso ya Krete: “Mbuyoti ki ya baba ishuwa kakuli baka yola lika kaufela. Baka yola lifasi.” Yena Mukreste wa niti, ka tumelo, wa talima mwa halimu ni kubona sani. Mu mubize kaufela sa mu bata. Na nanuzi meto a hae mwa halimu. Mi hana ezize cwalo, Mulimu ali, “Abrahama, u zamaye mwahala naha, ki ya hao kaufela yona.” Ka tumelo, Abrahama na ezize se; ona tumelo yeswana yana nani Mushe.

<sup>100</sup> Ne ku ñozwi ki alimuñwi wa bayemeli, yana ize cwalo. Ni hupula kuli neli manzwi amande hahulu. Kuli Abra- . . . “Mushe nangile zende za lifasi ni ku libeya fa sikala silisiñwi; ni bulapeli bo bu maswe hahulu, ni ku bu beya fa sikala sesiñwi; mi bulapeli bo bumaswe bwa fita zende za lifasi.”

<sup>101</sup> Kona mo ku inezi ni kacenu, kuli haiba lu bizwa sika kaufela ze lu bata kubizwa, “baika,” kamba “Bafolisi ba bumulimu,” kamba “mupikuluhi ya kenile,” kamba kaufela se ba bata ku biza. Ze maswe zeo luli zona lika cumbisa zende zeo lifasi likona ku lu fa. Ba bata kubizwa “baba sialezi, ba bu ikale, baika.” Li ka cumbisa lika zende kaufela zeo diabulosi una ni ku mifa. Kaniti zeo lika eza cwalo.

<sup>102</sup> Mushe na talimile ku shubulwa kwa Krete. Na boni Krete isali kwa makalo. Kasamulaho a bulela manzwi amañwi a susumezo ka Yena. “Mwabona, Mulena Mulimu wa mina uka zusa mupolofita ya swana sina na.” Na zibile. Na Mu boni isali kwa makalo, mi a talima ku shubulwa kwa Hae kuli ki bufumu bobutuna kufita minyaka kaufela ya lifasi.

<sup>103</sup> Mulikani wa Mukreste, kacenu, kana ha ukoni kueza cwalo? Ni minyaka kaufela ni kabubo ka lifasi, ka tumelo, lwa Mu bona yana sepisize. Mi keleke ye maswe kacenu, mwa buino bwa yona, kono niteñi Ika cumbisa lika kaufela zeo diabulosi akona ku mifa. Haiba lu katezi, haiba lu lemakilwe mwa liemba, haiba lu lyangani ni ku kauhana, mwa likopano ni mwa buipiteli, lika cumbisa sika kaufela seo diabulosi akona ku mifa. Kaniti.

<sup>104</sup> Na talimile kuli ku shubulwa kwa Krete neli nto yetuna kufita bufumu kamukana bwa Egepita. Mi aba ni kueza taba yeñwi. Na tobohile Egepita. Oh, Na lata linzwi lani. Na tobohile Egepita. Mwabona, na sweli kotalima mwa lihaulo leliswana, kono na sweli kotalima ka ku shutana ni Faro. Kucwani kambe Faro na ka bona mafelelezo a hae? Kucwani kambe Faro na ka bona naha ya hae inze itiba? Mushe na iboni. Cwani? Ka sayansi nji? Ka tumelo, Mushe na iboni. Lika kaufela za na ezize neli ka tumelo, kakuli Mulimu na sepisize Abrahama, ndata he, kuli Na ka—Na ka potela naha yani kasamulaho wa lilimo ze mianda yemine, mi na ka batisa. Mi ka tumelo, Mushe na lumezi Linzwi la na bulezi Mulimu, mi na zibile yena kasibili, kuba ka tumelo, kuli ki muzamaisi ya ketilwe yana ka ba lamulela. Na zibile fa na yemi. Na ngile sibaka sa hae mwa misima ya sileze, sina mulubi

wa sileze, mi atalima kuli ku shubulwa kwa Kreste neli bufumu bobutuna kufita kuina fa lubona lwa Egepita. Na ngile. . . Na si ka bulela kuli, “Na utwa makeke ka zona.” Na ngile sibaka sa bona ni kuya ni bona! Kanya ku. . . Na ngile sibaka sa bona. Ne luile ni bona.

105 Ki kabakaleo muñoli ya susumelizwe na ñozi cwana:

Ni kanga nzila ni baba nyinyani baba kendilwe  
bwa Mulena.

Ni kalile ni Jesu, cwale Ni ya ni zwelapili.

Ni mwa nzila yeliba kwa naha ya Kanana.  
(Luli.)

106 Mushe. Ne ku bulezwi ki yomuñwi kuli Mushe nitaluse, fani hana lukela kuba mwana Faro mi ana ni minyaka ya lifasi, na ka ba mwana Abrahama kufita kuba mwana Faro. Mwana wa Abrahama, ya kendilwe, kufita kuba mwana Faro, mulena.

107 Ku hande kuli ni be mwana Mulena Jesu, ni kuba mutanga Hae, ni kunga sibaka sa ka hamoho ni sicaba se si kendilwe sa lifasi le, kufita kuba Mutompehi wa naha tuna ye ya United States mwa America, kamba kuba Elvis Presley, kamba yena Pat Boone, kamba yo kaufela mubata ku ba sina yena. Ni ka ya nzila yaka.

108 Basizana babanyinyani balukela kunga nzila ya bona. Kufita kuba ni—ni Mary Pickford, kamba mubapali yomuñwi yomutuna wa mafilimu, musizana yomuñwi wa mweelembo, unge nzila ya hao ni babanyinyani baba kendilwe ba Mulena.

109 Ku hande kuli ni be mukutazi fa katala, ni nze ni kutaza sifumu se si sa feli sa Kreste, kufita kuba mubapali wa mafilimu a Hollywood, kamba mutu yomutuna kufitisisa fa lifasi. Haiba Ne ni kaca za manyando, makupakupa, kamba sika kaufela sene Ni ka eza, Ne ni kanga nzila yaka ni sicaba sa Mulena. Ka tumelo, Na eza cwalo. Ni filwe kolo. Kono, ka muhau wa Mulimu, Ni sa bona ka tumelo.

Ka tumelo Na ubona uli kwapili nyana;  
Mi Ndate ulibelezi kwa buse kwani,  
Ili ku lu lukiseza sibaka sa kuina Mwani.

110 Muuna wa mitelo ya masheleñi nabulezi kuli, zazi leliñwi, “Kiñi ha u sikululezi ndu ya hao kwa keleke yani? Kiñi ha no sinyelize muyaho wa hao wo eza ma dollar a twenti-faifi-sauzandi kwa tabernakele yani ye bonahala bukale ya masila?”

111 Se nili, “Ne si keleke ko Ne ni ezelize. Ki sicaba sesili mwani.” Hanina ni yeñwi ya lifa a lifasi le. Pene kaufela ye Ni kile na shimba itile kwa keleke ona ye. Kiñi? Tumelo yaka i ku Mulimu, mi isi fa lika za lifasi le. Lika ze ni taseza li pahami. Mi Na lumela za mina kaufela za swana, haiba muinzi ka swaneli ni Mulimu. Ki niti, kuli mu cwalo. Luna, ka tumelo, lwa amuhela. Luna, ka tumelo, lwa lumela Mulimu.



112 Mushe, nana ni kupanga buiketelo. Mi nana ni kueza sani, kasamulaho wa kuba ni buiketelo, nana ni kulwana ka tumelo, kasamulaho, kakuli na si ka saba buhali bwa mulena. Cwale, ka butu, nana ni tukelo ya kusaba buhali. Nana ni tukelo ya kusaba buhali bwa mulena, kono na si ka saba. Na si ka eza sani, kakuli nana ni musebezi wa kueza, mi nali mwa musebezi wa hae. Mi na si ka tokomela sa na bulezi mulena ka sona. Na ngile musipili wa Hae ona cwalo ka kuswana.

113 Cwale, Faro, ka niti, ha bona kuli ukomilwe, na bata kufa Mushe ni bana . . . Na ize, “Ku lukile, Ni ka ku bulelela se Ni ka eza. Mina kaufela muine fela mwa naha mi mu yo fa litabelo ku Mulimu wa mina.”

114 Wani kona mukwa wa beleka ka ona diabulosi. “Oh, wa kona kuba wa bulapeli. Ki kabakalañi ha u sa yo kopani ni keleke yeñwi? Ha u lukeli kueza lika ze kaufela.” Muuna ubulela ku musala hae. . .

115 Musala hae uli, “Bakuluna, Ni pilisizwe. Hakusana mipende ni hanyinyani, kamba za kulamba fa milomo. Hakusana ze cwalo. Hakusana mikiti. Hakusana lika hape za litaba za mwa tutengo. Ni zwile ku zona! Ni ka beya nako ya ka kwa kubala Linzwi, ni tokomele lapa la ka.”

116 “Cwale, talima, mulatiwa. Wena, wa kona kuba wa bulapeli, ku lukile. Cwale, talima, wena—wena uye kwa neku *lani*. Una ni keleke ye fosahalile.”

117 Batili, hauna yona. Uinzi ku ye lukile. Haiba muna ni mukutazi yaka kutaza sani ku wena, ulukela kuina ni yona. Mubale hande mwa Mañolo mi mubone haiba ku lukile.

118 “Oh,” ali, “ukenange ku ye *kwanu*. Ha batokwi—ha batokwi kuba ni kueza sani kwanu. Mwabona? Ha ba ezangi cwalo kwanu.” Yani kona nzila. . . “Kuya fela ona cwalo.” Kono ha lati kuli ami zuse mwa naha. Cwalo kona mwa ezezanga diabulosi. Ha tabeli kuli muzwe mwa lika za lifasi; kutisa fela lifasi mwa keleke.

119 Ka zazi leliñwi, hane ni shetumuka mwa mukwakwa, Ne ni tukisize silimba sa ka. Mi ne ku na ni—ni pina, mi Na zwelapili inge ni teezeza, mi Ne ni ngile, bukaufi, ni kufeza pina, Ni si ka ziba kale kuli neli pina ya bulumeli luli, kamba diabulosi ulika kutisa lika za Mulimu fafasi kuisa fa siyemo sa lifasi. Hamukoni kueza cwalo! Mulimu abe ni makeke!

120 Hanina taba kamba ki libuka zekai za lipina za ka ñola Elvis Presley, za lipina za bulumeli kaufela. Usali ya taselizwe ki diabulosi. Ulumezi banana babañata hahulu kwa lihele, ni muzamao kaufela ye Ni ziba, mwa lifasi loote mwa lizazi le. Pat Boone ni babañwi ba bona, neli wa keleke ya Kreste; mi Elvis Presley, nali wa Pentekota; ki bo Judasi Isikariota, mwa mifuta ya baana bani. Diabulosi usweli kulika kutisa lika zetuna za Mulimu, kuli ba kone ku likopanya mwatasi *mo*. Sicaba ha si

na kotalima mwa Halimu, *Se*. Ba talima fela *fa*, bali, “Kihande, ki lika zeswana fela.” Ha li swani. Muzwe mwa naha.

121 Ali, “Mwa kona fela kuya ka mazazi a likani. Mi mwa ya, mu yo ina mwa naha.” Luli, na zibile kuli ne ba ka yo kuta. Mi afumana kuli sani ne si si ke kubeleka, kacwalo a hupula taba yeñwi ye shutana. Ki hali, “Ni ka mi bulelela sa kueza. Muzwele kwande kaufela ko mubata ku ya, kono mu si ye basali ba mina kaufela, bana ba mina kaufela, ni likomu za mina kaufela, kwa mulaho *kwanu*. Mu ba siye kwanu, mi muye muzamaye.” Kakuli, na zibile kuli ne ba nani bufumu kwa mulaho kwani, bone bu ka yo ba kutisa.

122 Mi sani kona sa bulela ku mina diabulosi. Ibile fela mu siya lika zeñwi za lifasi linze li mi kakatezi, mu sa bata kuzuba, mu bata kunwa, mu bata kutina sina lifasi, ona zani kona za bata diabulosi.

123 Ni utwanga hahulu ka za kuwa mwa tumelo. Ha ni lumeli kuli kuna ni kuwa ko kuñata sina sicaba mo si hupulela kuli kuna ni. Ba si yanga fela sifumu se si ñata hahulu mwa Egepita kuli si ba hohelanga kwa mulaho, ku felile. Kuwa ha ki zona ze ba bulela kuli liteni. Mu siile hahulu ze ñata za lifasi mwateni mwani, ze mi yembulula.

124 Muzwale, Na mi bulelela, fani Isilaele hana itukisize, mwahala busihu, neba nani lika kaufela mwa lifasi le, ne ba longile mi ba itukiselize ku funduka.

125 Mulimu alu lumele ancafazo ye cwalo. Lu longe lika kaufela, mi ni kuitukisa kufunduka. Muhuwo wa mwahala busihu wa taha, “Amuzwele kwande mu Mu katanyeze.” Ku hande mulonge lika kaufela. Ku hande kuli musike mwaba ni sesiñwi, seo lifasi le, sika mi yembulula ka sona, mihala kaufela ye mi kutisa mwa mulaho. Amu longe. Halu itukiseni. Lwa funduka.

126 Mi kana mwa ziba kuli kiñi? Na mi bulelela, ne ba sepahala hahulu ku Mulimu, kufitela mane Faro a tabela hahulu mwahala busihu, mi ali, “Amu zwe! Amu zwe, mi mukale kuya. Mu lwale lika kaufela ze mu nani, mi muzamaye!”

127 Ni tabile hahulu kuli mutu wa kona kupila fakaufi hahulu ni Mulimu, kufitela diabulosi apalelwa kuziba sa kueza ka yena. Yani ki niti. Amu zwe! Mu zamaye! Mu utwele Mulimu!

128 Ka tumelo, na boni sepiso. Mulubi wa sileze, kamba kutokwa mulubi wa sileze, na ngile musipili wa hae ni baba nyinyani baba kendilwe ba Mulena. Faro ali, “Amunge kaufela ze munani mi muzwe fa! Hani zibi sa kueza ni mina.” Na sepahala hahulu ku Mulimu, ka tumelo.

129 Tumelo ika beleka limakazo, haiba muina ka ku sepahala ku Mulimu. Ka tumelo, lwa Mu bona.

Nako ya luna i felile; nako icibilikile.

<sup>130</sup> Kono, ka tumelo, kakusasana cwana, mu nanule meto amina. Musike mwa bona se si mi potolohile, lifasi la kacenu le, kono mu talime mi mubone Yena ya Na file sepiso. Bibebe ibulezi kuli, “Halu boni lika kaufela hande cwale, kono lu bona Jesu.” Mu Mu talime, kakusasana cwana, mi linzila za mina lika fetuha.

<sup>131</sup> Halunze luinamisa litho za luna, fa nako nyana, kwa linzwi la tapelo. Mi Mulena aekeze limbuyoti za Hae kwa Liñusa.

<sup>132</sup> U nahane mwa pilu ya hao cwale. Kana ubile u talima fa lika za lifasi? Ka tumelo, kana wa mubona Jesu nji? Kana u talima fa kabubo ka hao, keleke ya henu? Ki afi mayemo a hao ni lifasi? Kamba, kikuli wa bona Jesu Yena, ka makeke, yana ipile Iliyena kwa lizoho la silyo la Muambakani ya Pahami, Yana nyandile sina mubulaiwa, ya lukile ku baba si ka luka? Kikuli haukoni kuinula meto a hao ni kubona Kota ya Bupilo yani mwabuse? Konakuli, tokolomoha kota ya sayansi ni zibo ye, mi u Mu sebeleze.

<sup>133</sup> Kana uka tabela ku hupulwa mwa tapelo Ni si ka lapela kale? Nanula lizoho la hao, kwa kupo kaufela ye mu tokwile. Mulimu ami fuyole. Wa bona mazoho amina kaufela.

<sup>134</sup> Haiba u muezalibi, inule meto a hao mi utalime mwa halimu cwale. Haiba ubile ya sa isezi ngana, haiba ubile ni likomano nyana ni litaba ze nyinyani, ki shutano mañi ye liteni? Uka shwa leliñwi la mazazi aa. Zazi lifi? Mwendu ki kacenu! Ha u zibi. Ki hola kuzwa fa, wa kona kuba mwa lihele, kamba wa kona kuba mwa Lihalimu. Kono mu lukela kuketa cwale. Haiba kuna ni zeñwi mwa bupilo bwa mina ze si ka luka, mukete cwale, ka tumelo.

<sup>135</sup> Mu li, “Kihande, kambe Ne ni kaba fela ni yena! Kambe Ne ni ka ba ni yena muuna yani!” Hakuna taba kamba uezize sikamañi, mukete Bupilo. Mukete Bupilo.

<sup>136</sup> Kakuli, Jesu naize, “Haiba kuzwa mwa lipilu za mina ha muswaleli mutu kaufela bumaswe bwa hae, ni yena Ndata mina ya mwa Lihalimu hana ku mi swalela ni mina.” Kacwalo mube fela fakaufi cwalo. Haiba kuna ni alimuñwi yana ni sesiñwi mwa pilu ya hae ka mutu yomuñwi, muezalibi kamba ya kenile, mu na ni mulatu wa mulilo wa lihele.

<sup>137</sup> Cwale mu nanule liito la mina. Ki sikamañi se mu bona, sila sa mina? Kamba, kana mu bona Mupulusi wa mina? Ki sikamañi se mu talima ku sona kakusasana cwana?

<sup>138</sup> Haiba mwa kula, mi mualafi wa mina ubulela kuli hamukoni kufola, mu nanule meto amina, kwa sifapahano, kwa Na holofalezi bakeñisa bumaswe bwa luna, ka miupa ya Hae lu folisizwe. Musike mwa talima ku sa bulela mualafi; ubeleka mwa sayansi. Tumelo i beleka mwa sibaka sa Moya wa Mulimu. Halu nahane ñi fa lika ze cwale hamunze mu nanuzi mazoho a mina. Mulimu wa abona.

Halu lapeleni.

<sup>139</sup> O Mulimu wa Kuyakuile, mwa kukuza kwa milapelo ye cwale, kasamulaho Liñusa limana kuya cwalo, usike wa tuhela lipeu za Linzwi la Hao, Mulena, liwele mwa mubu wa macwe. Usike wa tuhela kuli Liñusa, Mulena, kuwela mwa miutwa, liseto, kuli lipilaelo za bupilo bo (sina Lota) likona ku ba pukutisa, kwa mafelelezo, kuba muyambaeli. Kono, O Mulimu ya fuyozwi, liwele mwa mubu, o munde o nunile, fa lipilu ze kona kubaka. Mi ni yaka, hape, Mulena, kuli kaufela luna lu talime ka kufitela mwa siiponi sa bonela Mulimu, ni kubona Keleke ye hanilwe ya Mulena Jesu, sicaba se si hanilwe, nzila ye hanilwe, mi lu zamaye mwa nzila ye kanya ye.

<sup>140</sup> Sina Mushe, na sa zibi kwa na ya. Sicaba ne si sa zibi ko ne siya. Ne ba sa zibi nzila ya kuya ka yona. Neba nanuhile fela.

<sup>141</sup> Mi, O Mulena Mulimu, sina pina yende ye haisweli kuliziwa, ka tumelo lwa kona kubona Naha yani fapili nyana. Haibe ona fa cwale, kuli baana ni basali mwahali mo habana ku nahana ka seo lifasi lika bulela, kamba mo ba zamaela. Haba nanuhe mwa mioya ya bona, ni ku zamaya.

<sup>142</sup> Mushe na latelezi Liseli, mi La ba isa mwa naha ya sepiso. A sa zibi kwa na ya, kono na zamaile fela kukena mwa Liseli, kwa naha yani yeneli yende kufita ya kacenu.

<sup>143</sup> Alaba, Mulena, kacenu, kuli babañata mo baka zamaya mwa Liseli la Mañolo ni mwa kopano ya Moya o Kenile, ni Keleke; yona Keleke, mwana wa Mweli, limbututu zenca ze pepilwe ni kuamuhela Krete, mi batezi ka Moya o Kenile, ku zamaiswa ka Moya. Lu kone ku zamaya mwa kutwano ye, hamoho, mwahala likatulo za Mulimu, ku Mu sebeze mwa kolobezo, kwa ku utwela kwa lifu la Hae, kupumbekwa, ni zuho. Lu Mu sebeze mwa litaelo za Hae, “Muine pili mwa Jerusalem kufitela mutala ka Mata azwa mwa Lihalimu.” Lu Mu sebeze mwa foliso ya Bumulimu, ku lapelela bakuli. Lu Mu sebeze mwa mulalelo, ku komauna sinkwa, ka pilu iliñwi, sebeze ye mwahala Linzwi la Mulimu. Lu Mu sebeze mwa likalulo za Hae kaufela za Bumulimu, kufitela Naha mo ibonela. Peta cwalo, Mulena. Utwa litapelo za luna, halunze lu li beya kaufela ku Zona cwale, ka Libizo la Mulena Jesu.

<sup>144</sup> Cwale ka litoho za luna ze inami, ni kukuza, ka kuiketa, halu opeleñi fela pina ye. Cwale ye ki milapelo. Liñusa li felile. Kusike kwaba ya ka nanuha. Mube fela ka kukuza. Halu lumbekeni.

<sup>145</sup> Liñusa la sikulula. Mu nahane cwale se muezize, se ne mulukela kueza, se si mi pangile se muli sona kacenu. Se si mi beya mwa kunyaziwa, kacenu, kikuli ne mu ezize sesiñwi maabani. Kukaba cwani kamuso? Mu likondise kacenu, mi mu ka lukuluha kamuso. Mwabona? Mu lukela kupanga buiketelo. Kana mukona kueza cwani? “Ka tumelo, Ni tuhela cwale lika kaufela. Cwale Na lukuluha, mi zazi leliñwi Ni kaya Kwani.”

Mwa bunde zazi ni zazi,  
Lu ta kopana fo kunde- . . .

Amu lapele fela Mulena mwa mioya ya mina cwale.

Mwa bunde zazi ni zazi,  
Lu ta kopana ni Keleke ye kendilwe yani.  
(Ki musipili otata, kono luka kopana zazi  
leliñwi.)

Ku Ndate yomunde ya mwa lihalimu,  
Lu ta yo fa limpo za luna za buitumelo,  
Ka mpo ye kanya ya lilato la Hae,  
Ni limbuyoti za kamita kwani . . .

Ni babanyinyani baba kendilwe ba Mulena, ka tumelo,  
Na keta.

Mwa bunde (mwa bunde) kamita . . . (kamita ni  
mita)  
Lu ta kopana fa likamba lelinde; (kamita ni  
mita)  
Mwa bunde (kamita ni mita) kamita ni mita,  
Lu ta kopana fa likamba lelinde.  
Kuna ni lifasi lelinde . . .

Mu Mu lapele fela. Ye kona milapelo.

. . .ka tumelo Na bona,

Ka tumelo Na panga buiketelo bwaka.

Oh, Ndate ulu libelezi . . .

<sup>146</sup> Ni bona kaufela ba Mulena kwa buse Kwani; Muzwale  
George, Muzwale Seward, baketwa kaufela.

. . .lu lukiselizwe sibaka sa kuina Kwani.  
(Eeni, Mulena!)  
Mwa bunde . . .

<sup>147</sup> Bo ndatahe, Howard, Edward, balikani kaufela ba kale  
babakile bene balwezi Musipili, kwa buse kwani, ka nako  
ye telele.

Mwa bunde (Eeni, Mulena!) kamita ni mita  
(kamita ni mita),  
Lu ta kopana fa likamba lelinde.  
Lu ta opela fa likamba lelinde- . . . (O Mulimu!)  
Lipina zende nde ze fuyozwi, (Kanya ku  
Mulimu!)  
. . . haluna kuutwa maswabi,  
Hakuna kulilela mbuyoti ya Sibaka sa pumulo.  
Mwa bunde, bunde kamita ni . . . (kamita ni  
mita)  
Lu ta kopana fa likamba lelinde- . . .



*KA TUMELO, MUSHE* LOZ58-0720M

(By Faith, Moses)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Sikulu 20, 1958, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi ni ku hatisiwa kusina kuzusa sika mwateni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God.

LOZI

©2017 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitisiswe ki mutu kamba kuli ifiwe ku yomnwi, mahala feela, kakuba siituiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)